



Ferr. Lucatellus Inven.

Ben. F. Forster Sculp.





B. ALOYSIO GONZAGÆ

E' SOCIETATE JESU

In Vrbe Florum pudoris sui lilia

MATRI VIRGINI CONSECRANTI,

HOS IN EADEM URBE SELECTOS

Sapientiæ Flores

Supplex exhibet

ANTONIUS BERNARDUS CECCHERELLI FLOR.





BALYOYSIO GONZALEZ

E. SOCIETATE JESU

In Vitis Florum prodit. sui hinc

MATER VIRGINI CONSECRANTI


ROS IN EADEM URBE SELECTOS

Sapientis Flores

Supplicia etiam

ANTONIVS BERNARDVS CANCELLIVS FIOR





CONCLUSIONES PHILOSOPHICÆ.

EX PROEMIALIBVS LOGICÆ.

L

Datur Logica artificialis, hoc est habitus studio, & exercitatione acquisitus per regulas certas, & infallibiles operationum nostri intellectus, & est ad alias scientias totales acquirendas, solum moraliter necessaria; Est virtus intellectualis secundum partem analyticam, topicam, & sophisticam; est vera scientia simpliciter, & adæquate practica; Bene dividitur in docentem, & utentem, prima est quæ dat præcepta, quasi in abstracto definiendi, syllogizandi, &c. secunda est quæ per sua præcepta actu dirigit operationes intellectus; Habitus autem Logicæ docentis, & habitus Logicæ utentis non realiter, sed per intellectum solum distinguuntur.

II

Suppositis varijs obiecti acceptionibus, & divisionibus, obiectum materiale Logicæ non sunt voces. neque res omnes, neque intellectus, itaut obiectum attributionis sit, vel voces rectè dispositæ, vel res rectè cognitæ, vel intellectus

4
lectus rectè intelligens; sed obiectum materiale sunt operationes intellectus, quatenus dirigibiles, obiectum formale est ipsa rectitudo, & operatio recta est obiectum attributionis, & licet obiectum adæquatum Logicæ sint omnes tres operationes, asserimus tamen obiectum principale Logicæ Aristotelicæ esse syllogismum demonstrativum.

PHILOSOPHIA
Ens rationis Logicum ut esse cognitum, esse genus, &c. & universim omnes secundæ intentiones Logicæ non constituuntur formaliter per aliquam relationem fictam, neque per aliquod Ens diminutum, & abusivum, sed sunt denominationes extrinsecæ reales provenientes à formis reahibus, scilicet cognitionibus taliter, vel taliter tendentibus in obiecta. Ens rationis Methaphysicum est illud, quod tantum habet esse obiectivè in intellectu; Potest tam intellectus creatus, quàm increatus cognoscere obiectum impossibile, adeoque tam Deus, quàm Creatura, potest facere ens rationes, tam per actum negativum, quàm affirmativum.

DE UNIVERSALIBVS, ET PRÆDICAMENTIS.

I V.

VNum in concreto est indivisum in se, & divisum à quolibet alio, in abstracto vero, seu unitas, est negatio divisionis in se; Identitas realis est summa extremorum unitas, qua minor dari non potest, dicens ipsorum consensum in omnibus perfectionibus cum mutua affirmabilitate in recto; Distinctio est vera extremorum de se invicem negabilitas in recto, seu est negatio identitatis unius cum alio. Inter gradus methaphysicos eiusdem individui
reali-

realiter identificados nulla datur distinctio media, quæ a Scotistis vocatur formalis ex natura rei; Negamus etiam in creaturis omnem distinctionem virtualem, vel sit intrinsicam, vel extrinsecam, quæ sit capacitas ex parte obiecti ad sustinenda prædicata contradictoria, solum igitur agnoscimus inter prædictos gradus distinctionem rationis ratiocinatæ; Hinc negamus præcisionem obiectivam.

V.

Universale Methaphysicum est unum aptum esse in multis, non datur à parte rei neque in singularibus, neque extra singularia, neque in Idæis Platonicis, sed solum in intellectu creato, à quo solo fit per cognitionem directam, & præcisivam non obiectivè, sed formaliter. Universale Logicum est unum aptum prædicari de pluribus, in ipsa actuali prædicatione retinet universalitatem. Rectè dividitur in quinque quasi species, quæ sunt Genus, Species, Differentia, Proprium, & Accidens; hæc quinque prædicabilia bene definiuntur solitis definitionibus. Genus ut habeat rationem prædicabilis requirit plures species saltem possibiles; prædicatur de suis inferioribus per modum totius potestativi, & habet rationem partis actualis componentis unà cum differentia speciem. Individuum est quod de uno tantum prædicatur; Potest abstrahi ratio communis ab omnibus individuis in particulari.

V I.

Ens reale creatum dividitur in decem prædicamenta, quæ sunt Substantia, Quantitas, Qualitas, Relatio, Actio, Passio, Quando, Ubi, Situs, Habitus; Substantiæ conceptus bene explicatur per hoc, quod sit principium per se subsistendi, & alijs substandi; Dividitur in primam, & secundam, hoc est, in singularem, & universalem; Summum genus in prædicamento Substantiæ est substantia completa, & finita, adeoque excluditur Deus ab hoc prædicamento.

Rela.

6
Relatio prædicamentalis non consistit in solo fundamento, nec in sola ratione fundandi, nec est Entitas modalis distincta à fundamento, termino, & ratione fundandi, sed constituitur formaliter per utrumque extremum, posita ratione fundandi. Non datur adæquatè relatio ad terminum non existentem. Præter possibilitatem extrinsecam rerum possibilium desumptam ab Omnipotentia Divina, datur possibilitas intrinseca; Idem dicimus de impossibilitate rerum impossibilium.

EX LIBRIS PERHIERMENIAS.

VII.

VOces significant primariò, & immediatè res, secundariò verò, & mediatè conceptus; Veritas formalis est conformitas cognitionis cum obiecto sicuti est in se; Datur solùm in actibus iudicativis, non reperitur ergo in rebus, neque in sensibus, neque in simplici apprehensione, in quibus tantùm reperitur Veritas materialis, & radicalis; Veritas formalis non suscipit magis, & minus, licet suscipiat falsitas, adedque una propositio licet non possit alià verior esse, potest tamen esse falsior. Non est adæquatè intrinseca actui verò; Ex duabus propositionibus contradictorijs de futuro contingenti tam absoluto, quàm conditionato altera est determinatè vera, & altera determinatè falsa, etiam præscindendo à Divina Scientia, & Divino Decreto; Actus semel verus non potest transire in falsum, nec è contrario.

EX LIBRIS PRIORVM, ET POSTERIORVM.

VIII.

Discursus est progressus intellectus ab una notitia in aliam, hinc sequitur ad rationem discursus requiri plu-

pluralitatem notitiarum, itaut una notitia ex alia inferatur. Discursus includit essentialiter, non solum Conclusionem, sed etiam premissas; Syllogismus est Oratio, in qua quibusdam positis aliud quid à positis necesse est contingere, eo quod hæc sint. Vis syllogistica fundatur in illis principijs: Dictum de omni; & dictum de nullo. Positis premissis, quibus intellectus assensum præstitit, necessitatur ad assensum Conclusionis, tum quoad specificationem, tum quoad exercitium; Demonstratio est syllogismus faciens scire, alia est à priori, alia à posteriori; Demonstratio à priori procedit ex veris, primis, immediatis, & notioribus, causisque Conclusionis; Datur scientia de novo, quæ non est pura reminiscentia; & definitur cognitio certa, & evidens demonstrans de suo objecto proprietates per certas demonstrationes. Dividitur in practicam, & speculativam, quæ diversitas desumitur ex fine utriusque; Potest in eodem intellectu stare simul actus veræ scientiæ, opinionis, & fidei cum diviniæ, tum humanæ circa idem objectum materiale.

EX PHYSICIS.

I.

Phyfica, quæ est vera Scientia speculativa habet pro objecto attributionis Corpus naturale, ut naturale. Principia intrinseca Corporis naturalis sunt illa, quæ neque ex alijs, neque ex alterutris, sed ex his omnia fiunt; in fieri Corporis naturalis sunt tria, scilicet Materia, Forma, & eius Privatio, in facto esse vero sunt duo, Materia nimirum, & Forma; Materia prima, quæ est Substantia incompleta definitur positivè, & negativè; positivè sic: Est primum subiectum uniuscuiusque ex quo fit aliquid, cum insit, non secundum accidens, & si aliquid corrumpitur in hoc abibit ultimum; negativè definitur: quod per se ipsam neque est quid, neque quantum, neque quale, neque aliquid aliud, neque negationes horum; sed

id.

id, de quo omnia prædicantur; Est ingenerabilis, & incorruptibilis, est pura potentia physica, non metaphysica, quia includit actum entitativum, habet propriam existentiam, per quam saltem inadæquatè existit, præscindendo ab existentia formæ; & licet Materia prima non possit naturaliter existere spoliata omni forma substantiali, supernaturaliter tamen potest. Appetit appetitu innato omnes formas, non quidem appetitu simultatis, sed simultatè appetitus; hic appetitus est indistinctus ab ipsa materia, est appetitus æqualis ad formas inæquales. Necessitas materię primæ colligitur ex conceptu quidditativo transmutationis substantialis, & ex universalissima inductione in cæteris mutationibus tum naturalibus, tum artificialibus. Essentia in rebus creatis non distinguitur realiter ab existentia earundem.

I I.

Forma substantialis definitur communiter: ratio ipsius quod quid erat esse rei; formæ materiales educuntur de potentia materię; Formæ Spirituales sicut non sustentantur à materia, ita neque in illius potentia continentur, nec ex illa educuntur, sed creantur à Deo. Forma licet sit pars principalior Compositi, tamen non est tota illius quidditas. In eodem vivente non dantur simul præter formam totalem alicujus formæ, vel corporeitatis, vel partiales, adedque caro, os, cor, &c. solum materialiter, & non formaliter differunt. Phœtus humanus ubi primum animatur, animatur animà rationali, adedque in eodem vivente neque datur successio animarum, neque plures animæ simul. Privatio formæ subsequens est principium per se fieri corporis naturalis, negationes propriè loquendo nihil sunt in esse rei, & extra intellectum; Compositum præter materiam, & formam includit unionem, quæ necit utrumque extremum; hæc unio est modus substantialis superadditus materię, & formæ essentialiter requisitus ad consti-

constituendum unum compositum, in quo unica tantum datur unio recepta in Materia. Non distinguitur realiter compositum à suis partibus collectivè sumptis.

I I I.

Natura definitur : principium, & causa motus, & quietis eius, in quo est primo, & per se, & non secundum accidens; Ars dicitur Naturæ imitatrix, quia applicando activa passivis producere potest plures effectus naturales; Ars Chymica directive concurrens, verum aurum efficiens, repugnat moraliter, non physicè, Causa est principium determinans cum virtute adesse aliquid, alia est materialis, alia formalis, alia efficiens, & alia finalis. Negamus in Causis efficientibus mutuam Causalitatem. & admittimus posse supernaturaliter eundem numero effectum pendere à duplici Causa totali. Actio, quæ definitur actus huius ab hoc non distinguitur realiter à passione; quæ definitur: actus huius in hoc; probabilius est actionem recipi in passio. Causa finalis est illa, cuius gratia cætera fiunt; Virtus Causæ finalis est sola bonitas apprehensa vera, vel apparens ipsius finis. Sola agentia intellectualia agunt formaliter propter finem

I V.

Deus necessariò, & immediatè concurret ad omnes, & singulos effectus Causarum secundarum; hic concursus Dei non est physica prædeterminatio, quæ multiplici ex capite repugnat; Est igitur in actu primo concursus Dei cum Causis secundis exhibitio omnipotentis indifferentis, in actu secundo verò est ipsa actio, qua Deus, & Creatura indivisibiliter agunt: cum toto hoc tamen stat, quod Deus determinet creaturas ad individuationem effectus.

F I N I S.



*Disputabuntur publicè Florentia in Templo
Societatis Iesu S. Iohannis Evangelista
ab Antonio Bernardi Ceccherelli Flor.*

Anno 1700. Mense Die

FLORENTIÆ, MDCC.

Apud Petrum Matini Archiepiscopalem Typographum,
SUPERIORUM PERMISSU.

